

СРТС-н КӨДЛМШÄС

Правительствин шиидврäs иштä-гъär, нидн джил Прикаспийск загъс бärлгънä моторн станц савмуд ясдг техникеск станцд хүврäгдлä. Загъс анъндг колхозмудиг техникär агсдж чадм чигä техникеск баз бүрдäх, тедниг загъс бärлгънä хамг кергтä тоот зер-зевärнъ теткх даалгъвр эн станцин öмн тäвгдсмн, тер мет эн станц загъс бärдг флотин савсин ясвринъ теткх зöвтä бäасмн.

Сав ясдг техникеск станц эврәннъ öмн тäвгдсн кергән сүл цагт ягъдж күцäджäхин тускар ода сурдж болхмн.

Сүл арвн сарин эргцд СРТС гүртм продукц гаргългъарн зурагъан 120 процент күцäв, күч-көлснä гарцан 120 процент күцäгъäд, гаргъджах продукцин эврä үнинъ 3 процент кимдрүлв. Öдгä цагт загъс анъндг флотин ясвр күцмджтäгъär кергддж йовна.

Эн джил станц техник зöвär икär немдж авб. Энүнä механическ цехднъ шин-шин берк күцц сән хурдар кöдлдг станокс болн аппарате шинäс авгдв.

Иим ик сән техниктä эн СРТС ганцхн колхозмудин биш загъсна комбинатин чигн ясврин цуг кöдлмшиг күцäдж чадхмн.

СРТС 9,5 сай арслнъга материал болн загъс анънлгъна зер-зев колхозмудт хулдв. Энүнäс талдан «Каспиец» болн «Красный моряк» колхозмудт күчтä ик хойр тенъгсин буксировщикүд, хойр трактор ДТ—54 болн талдан чигн техник станц хулдв.

Öдгä цагт станцд загъс анънлгъна дала зер-зев бäанä. Реюшк болн бу-

дарксд таварн олзлдж болм техник чигн ик бäанä. Станцд ода 6-д минъгън арслнъга, 10-д мөрнä чидлтä 1—ЧСП гидг двигательмүд, 4,3 мөрнä чидлтä 3—НД гидг моторчикүд, хөр гар радиостанц бäанä. Эдниг загъс анънлгънд болвчн, тер мет селәнä эдл-ахуд чигн, малин фермär болвчн олзлдж болхмн. Улгүрлхд, эн двигательмүдиг болн моторчикүдиг малин фермсär тäвчкäд, эднä бийсиннъ үкр саалгънд болн хöд киргългънд олзлдж болхмн. «Урожай» гидг радиостанцар дамдждж тенъгст йовсн загъсчнрла чигн, малин фермсär йовх улсла чигн залгълда бүрдäхд колхозд цанъ уга эвтä болдгиг дамшлт үзүлсн.

Болв, цуг эн тоот эв-аргъиг колхозмуд олзлджахш. Колхозмудин правленьс эн техникиг хулддж авцхахш.

МРС-г онъгдарулсна хöөн станцин кесн кöдлмшин зäрм ашмуднъ иим болдж гарчана. Керм Прикаспийск загъсна комбинат техникеск станциг тасрхан угагъар электроэнергär теткджäсн болхла, ашнъ үүнäсн сән болх бäасмн.

1960 джилин хаврин загъс анънлгънд загъсна флот ясдж белдх ик далгъврта цагтан СРТС ода орчксн бäанä. Болв ясврин материал күцц уга болсн учр, тер дотр модн уга боллгън, ясврин кöдлмшиг делгү уралан йовлго, хаврин згъс анънлгъна белдврт саалтг болад чигн бäахмн.

Хальмг АССР-н бäärн газрин промышленностин министерств болн Госплан СРТС-д мод гаргъдж öглгънд онъган öгч, дөнъгән күргх зöвтä.

И. МАЙОРОВ.